

Der Föhn im Inntal!

I kann's net nenna, i kann's net schreibn,
i hab halt nirgads mehr a Bleibn,
ebbes treibt mi um an so an Tag,
mei Grant, der is mir selm a Plag!
Wia auf 'ra Hutschn is mei Gmüt
und boid i aufsteh, bin i müad!
Es macht mi völlig hi' und krank –
bis's auf oamal hoäßt: Gott sei Dank!
Jetzt hat'sn weggaputzt, an Föhn!
Na moant ma wieda: 's Leb'n war schön!

Rosi Lochmann

Gleich

Ois is gleich
bist oarm oda reich
bist schea oda schiach
is seida dei Pfoat oda aus wiarch
bist jung oda oit
da Toad kimb bois eahm gfoit
drum tua da nix u
galling kimmst a oft du a dru!

Lore Jäger